



TELESFORO
MONZON
eLab

2023 MEMORIA

Aurkibidea

TMeLab Euskal Herrigintza Laborategia

Urte honetan aurrera eraman edo hasitako proiektuak

Naziometroa: Subiranotasun nahiaren inguruko soziometroa

Txillardegi Gogoeta Gunea

Ongizate adierazleak

KLIMARI BURUZKO HERRITARREN BATZARRA

Euskal Komunikabideak eta Nazio izaera

BURUJABETZA EGINEZ MINTEGIAK

Gaindegia

INPAKTA PROIEKTUA

Bestelakoak

Saretzea eta Komunikazioa

TM eLab Euskal Herrigintza Laborategia:

SARRERA:

TM eLab Olaso Dorrea Fundazioaren ekimena da. Telesforo Monzonen espirituari jarraikiz, laborategiaren asmoa EHko etorkizunari buruz aritzeko gogoetak sustatzea da, elkarlanean.



TM eLab-en helburua herri gisa ditugun erronka estrategikoei loturiko gogoeta sustatzea da eta erantzun berritzaileak bilatzea. Nazioartean erreferentzia aurreratuenak bilatuz eta Euskal Herrian martxan dauden eraldaketa prozesuak aztertuz. Horrela jardunbide eta politika konkretuei buruzko kalitatezko proposamenak eginez. Horretarako lan-talde trinko eta egonkorrak baino helburu zehatzak dituzten lan-prozesu denboran mugatuak lantzen ditugu, misio zehatzei zuzendurikoak.

Barne antolaketa:

Jardunaldi honetan, laborategiak bere egituratzearen jarraitu du. Maila horretan Batzorde Exekutibo bat izendatu da ondorengo pertsonen osatua: *Iratxe Esnaola, Urko Aiartza (Zuzendaria), Pello Otxandiano, Igor Ortega, Rafa Diez eta Malen Dominguez (Programa Koordinatzailea)*.

Era berean urteko plangintza eta programa garatzeari ekin dio, horretarako maiztasun batez bilkurak burutuaz.

Kanpo harremanak:

Urtean zehar Laborategiak Euskal Herriko hainbat eragilerekin egitasmoak partekatu ditu eta aztertu, hala nola:

- Eusko Ikaskuntza.
- HUHEZI
- KNOCA
- Agirre Lehendakari Center.
- Kontseilua
- UEU
- Sabino Arana Fundazioa
- Pete Cenarrusa Foundation
- Mondragon Unibertsitatea eta bertako Herrigintza graduondoa. -GEZKI
- Parte Hartuz EHU-UPV.
- Subiranotasuna Europako Herrietan Masterra, EHU-UPV.
- Gaindegia.
- Euskal Herriko ekonomilarien Biltzarra.
- Arantzazuko Laborategia (bertako aholku batzordeko kide delarik laborategia egun).
- Jakin
- Berghof Foundation
- Common Weal
- Fundació Josep Irla

Laborategiaren administrazioa:

Bere jarduera guztiak aurera atera asmoz laborategiak gutxieneko dedikazio profesional bat du. Hain zuzen ere Zuzendari bat dedikazio partzialarekin eta Programa Koordinatzaile bat dedikazio osoarekin.

Zuzendariaren lana Laborategiko Batzorde Exekutiboari jarraikiz Laborategiko egitasmoak eta jardunak zuzentzea da. Programa Koordinatzailea, laborategiko programen koordinazioaz eta zuzendariarekin batera laborategiaren martxa kudeatzeaz arduratzen da.

URTE HONETAN AURRERA ERAMAN EDO HASITAKO PROIEKTUAK

Aurrera eraman edo martxan diren proiektuak:

Gogoeta / Prospektiba:

-Naziometroa.

-Txillardegi Gogoeta Gunea

-Euskal Herria eta Nazioartea Gogoeta Gunea.

-Euskal nazioaren Irudikapena euskal komunikabideetan.

BURUJABETZA MINTEGIAK

-Euskal Proceedings - INPAKTA

-Gaindegia

Esperimentazioari begirako proiektuak:

-Ongizate adierazleak.

-Klima Asanblada eta herri batzarrak.

Naziometroa: Subiranotasun nahiaren inguruko soziometroa:

Euskal Herria mailan soberanismo eta independentzia asmoek politikaren erdian jarraitzen badute ere, ez da oso ezaguna soberanismoa, autogobernua, independentzia eta horiek zeharkatu ditzaketen gaien inguruko herritarren iritzia.

Naziometroaren bidez Euskal Herria herritarrek gai hauen inguruan dituzten iritzi eta hautemateak aztertu nahi dira. Eta hori modu jarraian egin nahi da. Hau da, neurketa puntual edo koituntural batetik haratago, denboran luzatuko den barometro bat osatu da.



NAZIOMETROA

Euskal Burujabetzaren Barometroa

www.naziometroa.eus

Naziometroaren ikergaiak ondorengoak izando dira:

- Egungo abagune politikoan Euskal Herri osoa bilduko lukeen Estatu/Errepublikaren aurreko jarrerak neurtzea.

- Independentzia nahiaren neurketa.

-Jarrera horien atzean (aldekoak zein kontrakoak, zein iritzi sorturik gabekoena) egon daitezkeen hainbat iritzien neurketa (ekonomikoak, politikoak, sozialak, e.a.)

-Independentziarako arrazoi nagusia(k) zehaztea.

-Unionismorako arrazoi nagusia(k) zehaztea.

-Atxikimendu gehien jaso dezakeen hitz edo kontzeptuen neurketa (Euskal Es tatua vs Euskal Errepublika...)

-Subirautza nahia eremuka (edo subirautza eremuka garatuta subirautza oroko rrari egin diezaiokeen ekarpena).

- Jarrera eta iritzi horien ezaugarritze soziodemografikoa egitea.

Euskal Herria osatzen duten eremu instituzionalekiko egokitzapenak egingo dira horretarako.

Urtean bi inkesta (udazkena eta udaberria) egingo dira, maiztasunak ziurtatuko baitigu iritzi tendentziak ongi ulertzea.

Elkarlanean oinarritutako ekimena:

Honako egitasmoa aurrera ateratzeko OLASO DORREA FUNDAZIOA ETA UPV/EHUren arteko lankidetzak akademikorako hitzarmena sinatu da.

Proiektua aurrera eramateko Olaso Dorrea Fundazioaren Telesforo Monzon laborategiak (TM eLab) Parte Hartuz EHUko ikerketa taldeko kideekin Barometroaren Ikerketa Batzordea osatu dute, bertara Nafarroako zein Iparraldeko ikerlariak gehituz.

Horrela Parte Hartuz ikerketa taldeak gehi Nafarroako zein Iparraldeko beste adituek, ikerketa batzordea osatu dute. Batzorde hau inkesten emaitzen irakurketa berariazkoa burutzeaz arduratuko da, bai eta honek beharrezko rigore zientifikoa izateaz.

Batzorde Zientifikoaren osaketa: Julen Zabalo, Arkaitz Fullaondo, Carlos Vilches, Asier Etxenike, Igor Ortega eta Iduzki Soubelet.

Fundazioaren gain egon da ikerketa batzordeak diseinatutako landa lana aurrera eramateaz arduratuko den inkesta zerbitzua, bai eta naziometroaren emaitzen kaleratze kostuak eta abar.

Argitaratutako lanetan agerraraziko da lanon sorgunea hitzarmen honetan da goela eta parte hartu duten pertsonen izenak aitortuta.

AURTENGO 5. NEURKETA eta 2. JARDUNALDIA

-5. NEURKETA publikatu zen 2023ko Ekainean.

Hemen:

<https://telesforomonzonlab.eus/2023-03-neurketa>

-Azaroaren 22an DONOSTIAKO CARLOS SANTAMARIA ARETOAN, 2. Jardunaldiak antolatu dira, AURTENGO GAIA PERTENENTZIAK PROZESUAK ETA NAZIOA XXI MENDEAN IZAN DA

Hizlarien artean izan ziren: Andoni Eizagirre, Julen ZAbalo, Enara Eizagirre, Ane Larrinaga, Edu Apodaka, Arkaitz Fullaondo, Igor Calzada, Estitxu Garai eta Joseba Sarrionandia.

Partaidetza. 52 pertsona.

Programa hemen: <https://telesforomonzonlab.eus/2023-11-jardunaldiak/>

Txillardegi Gogoeta Gunea: XXI. menderako

Hizkuntza Politika.



TXILLARDEGI
Gogoeta
Gunea

XXI. mendearen lehen laurdenean murgildurik gaudela, mundu mailan sekula ezagutu ez den abiadako aldaketak ari dira ematen: robotizazioa, inteligentzia artifiziala, gauzen interneta, teknologia aurrerapenak, informazio joan-etorriak eta honen guztiaren ondorioz gizarte eraldaketa sakona, inoiz ezagutu gabeko abiada bizian gauzatzen ari dena gainera batetik; bestetik, bizidunen migrazio mugimenduek bai eta mugikortasunak zein gizarte batzuen zahartzeak biziki ari dira aldatzen

ingurunea, Europan batik bat, urte gutxitan. Honek guztiak sekulako eragina izango du identitatearen erreprodukzio sistemetan oro har eta, zer esanik ez, gurea bezalako komunitate/nazio gutxiagotuetan. Euskal Herrira etorrita, euskararen egungo normalizazio ereduak topea jo duenaren zantzuak nabariak dira bai hezkuntza arloan, bai helduen euskalduntzean edo erakunde publikoen normalizazio prozesuetan, kultur transmisioan edota esparru komunikatiboan, besteak beste; eta honek guztiak bere ondorioa du euskararen transmisioan eta bizi iraupenean, kale erabilera datuek adierazten duten bezala. Hori guztia gutxi balitz, COVID-19ak eta beronekin etorritako itxialdiak joera hauek azkartu eta areagotu egin ditu, lehen hipotesia zena errealitate bihurtuaz.

Aipatu eraldaketa hauek guztiak kontuan izanik, euskararen normalizazioa helburu duen euskaltzaletasunak/abertzaleztasunak ezinbestekoa du gogoeta sakon bat egitea. Paradigma aldaketen garaian bizi gara eta egoera berri horietara egokitzeko gaitasuna izateak berebiziko garrantzia izango du. XX. mendean sortutako hizkuntza politikak/ek ez dio(te) seguruenik errealitate berri honi erantzuteko ahalmenik.

Gelditu eta inguruetara begiratzeko garaia dugu euskararen normalizazio prozesuan, sistemikoak eta egiturazkoak diren eraldaketez ohartu eta errealitate honen aurrean euskal botere politikoak (euskal erakundeek) euskararen normalizazioan XXI. mendean nola eragin behar duen sakonduz. Aztertu beharra dago botere politikoa nola eta zertarako baliatu euskararen normalkuntza osoa erdiesteko. Eztabaida ez baita asko/gutxi aurreratu dugun, botila erdi betea edo erdi hutsa dagoen, baizik eta XXI. mendeko erronken aurrean zer hizkuntza politika behar dugun aurrera egiteko.

Horretarako esan bezala, euskararen normalizazio prozesua azkartzeko beharrezkoa den XXI. menderako hizkuntza politika eztabaidatu eta ahal bada ondorio nagusi batzuk ateratzeko Gogoeta Gunea bat sustatu da Telesforo Monzon Euskal Herrigintza Laborategitik, Txillardegi Gogoeta Gunea deritzona. Herri eztabaida sakon eta zabal bati abiapuntua ipintzeko gogoeta gunea bat.

Horrela, gogoetarako gai nagusiak dira:

! Normalizazio prozesuaren ikuspegi politikoa, sistemikoa eta egiturazko batetik abiatutako diagnostikoak egin eta aurrera begirako ikuspegiak lantzea. Horrela, euskararen normalizazioari buruzko etorkizuneko erronken inguruko gogoeta eta proposamenak landuz.

! Euskal Herriaren nazio eraikuntza prozesuaren baitan euskararen normalizazioak egin dezakeen ekarpena eta izan beharreko lekua aztertzea. Maila horretan, hizkuntzaren estatusa eta euskal erakundeen papera sakonki aztertuz.

! *Proposatzen den lanketa Euskal Herri osoko ikuspegiarekin lantzekoa litzateke. Funtsean, euskararen normalizazio prozesuaren ikuspegi propioa lantzea eta euskarak Euskal Herriaren nazio eraikuntza prozesuan izan beharreko lekua zehaztea, Euskal Herri osoan berdin eraiki beharreko "paradigma" bailitzateke. Horrek ez luke esan nahiko, noski, ikuspegi horretatik erator litezkeen proposamen edo diskurtsoak mimetikoki aplikagarriak izango liratekeenik.*



2023ko Mintegiak eta Jardunaldiak :

1. MINGEGI ITXIA: HIZKUNTZA POLITIKA BERRIRAKO OINARRIAK

Mintegiaren helburua etorkizuneko hizkuntza politika berri bati begirako oinarrien inguruen gogoeta egiten hastea izan zen. Bi saio, bat online eta bestea presentziala. 20 kide. *HIZLARIA: PAul Bilbao*

2.- Txillardegi Gogoeta Gunearen BLOGA.

Blog honen bidez gogoeta esparru bat abiatu da.

<https://telesforomonzonlab.eus/txillardegigbloga/>

3. Hizkuntza politika konparatuko jardunaldiak Online: Estonia, Katalunia, Quebec, Aland uharteak eta Flandria.

Urria eta Azaroan zehar.

Partaideak: 125 .

<https://telesforomonzonlab.eus/txillardegi-gogoeta-gunea-mintegiak>

Ongizate adierazleak:

Proiektu honen egitasmoa EH egokiak liratekeen ongizate adierazleen inguruko gogoeta bat abiatzea da. Zein adierazle beharko genituzke gure herriaren ongizatea definitzeko orduan?

Aurten HUHEZLrekin hitzarmena sinatu dugu, egitasmo honen inguruan ikerketa aplikatu bat garatzeko Udal batean. Une honetan Udalaren hautaketa prozesuan gaude.



**Mondragon
Unibertsitatea**

**Humanitate eta Hezkuntza
Zientzien Fakultatea**

KLIMARI BURUZKO HERRITARREN BATZARRA

XXI. mendean gizarteak dituen erronkak konplexuak dira eta, horregatik, horiei aurre egiteko eraldatze-prozesuek ikuspegi konplexu eta integralak eskatzen dituzte.

Gainera, egungo testuinguru aldakorrean ditugun gizarte erronken dimentsioak eta konplexutasunak, eragile ezberdinen arteko gobernantza eredu berriak, demokrazia molde berriak eta hiritarren parte-hartze modu berriak sustatzea eskatzen dute.

Hori da hain zuzen ere abiapuntuko hipotesia, Erakunde, herritar eta gizarte antolatuaren arteko lankidetzaren sarea indartuz bakarrik erantzun ahal izango diegulako gizarte gisa ditugun erronkei.

Zentzu horretan, gizarte erronken inguruan agenda publikoan herritarren parte hartzea sustatzeko eta komunitatearen ahalduntzea areagotzeko ikuspegi berritzailea aurkezten duten demokrazia deliberatiboko prozesuak geroz eta ohikoagoak bihurtzen ari dira demokrazia sendoko herrialde eta testuinguruetan. Aipatu demokrazia deliberatiboko prozesuetan ausaz aukeratzen dira gizartean aniztasuna ordezkatzeko duten herritar taldeak, jorratuko diren gaietan adituen aldetik formakuntzak jasotzen dituzte eta eztabaidarako espazioak ahalbidetzen dira.

Prozesu horiek ez dira berriak, 60. hamarkadatik erabili izan dira formatu anitzetan, egun ordea, esperimentazioari bide eman zaio beraien helburua eta diseinua definitzerako orduan, zein parte hartzeko eta instituzionalizatzeko beste modu batzuekin konbinatzean. Herritarrak agenda publiko eta politikoan inplikatzeko modu berriak aurkezten dituzte, eta balioetan oinarritutako dilemak, merkataritzako trukeak eragiten dituzten arazo konplexuak eta epe luzeko arazoak jorratzeko baliagarriak direla aztertu da OCDE-k kaleratutako ikerketan.

Proiektu honen helburua da Klimari buruzko Herritarren Batzar bat diseinatu eta abian jartzea izan da, Gipuzkoan eztabaida-demokraziaren prozesuak eta ikuspegiak aktibatzeak. Gizateriaren bi erronka nagusitan esku-hartu nahi da hortaz, krisi demokratikoa batetik eta krisi klimatikoa bestetik, deliberazio demokratikorako prozesu berritzaile bat abian jarri.

Herritarren batzarrak herritarrek inplikatzeko, agenda publiko berriko erronken inguruan zein horretarako eskumena duen erakunde publikoak bultzatuko dituen herri politikak herritarren iritziak edo gomendioak kontutan hartuta diseinatu daitezten.

Aurtengo Ekinbideak:

- 2023 urtean zehar Gipuzkoako Aldundiarekin eta Arantzaulabekin eramandako proiektua garatu da, **Klima eta Landa eremuaren Herri Batzarra**, eta berau hautatu eta martxan jarri zen, e 32 herritarrez osatutako herri batzarra deliberazio prozesua burutu delarik. Egun iada Aldundiak asanbladak egindako proposamenei erantzun die eta jarraipena ere burutuda. .

Ikusi proiektua hemen :

<https://www.gipuzkoa.eus/eu/web/herritarrenbatzarra/zer-da>

Proiektua lurraldeko ekosisteman gizarte berrikuntza, gobernantza zein herrigintza prozesuak bultzatzen dituzten eragile ezberdinen elkarlanaren bitartez sustatu da.

Proiektuan zehar prozesu deliberatiboak diseinatzeko ikuspuntu, ezagutza aniztasuna, adibide, erronkak eta aukerak jaso dira. Gainera, proposamen honetan jasotzen den esperimenterako proiektua gure herrian sustatuko diren beste ekimen eta prozesuekin konektatu nahi da. Azken helburua demokrazia deliberatiboa herrialdean instituzionalizatzeko baldintzak sortzea da.

- **IHOBE**ri aholkularitza lana, Arantzazulab eta Deliberatibaren artean, EAE klima asanbladaren inguruan.



- **DebaGoiena 2030** proiektuak aurrera eramane nahi duen prozesuan, aholku batzordekide gisa jarduten dugu.



Euskal Komunikabideak eta Nazio izaera

Eusko Ikaskuntzak 2018an idatzi zuen, bere 100. urteurreneko kongresuaren garaian, *Kohesioa eta Elkarkidetzaren eraikitzen: Euskal Herriko lurralde(ar)en liburu berdea*-n: “Nazioa ez da behin lortu eta betirako daukazu titulua. Egunero-egunero elikatu behar da. Eta komunikabideek berebiziko garrantzia dute hor”.

Joseba Sarrionandiak idatzi izan du “komunitate batek, elkartasun minimo bat mantendu nahi badu, hitzak konpartitu” behar dituela, eta “euskaldunek dugun heterogeneitate territorial eta kulturalarekin, elkarren arteko harremana” iruditzen zaiola “premiatzakoena”; “nazioa komunikazio espazioa da batez ere”.

Potentziala

Euskal Herria aintzat hartzen duten hedabide ugari dago gaur egun: EITBkoak, EHKEkoak, Noticias Taldekoak, Berria Taldekoak, *Argia*, Euskal Irratia, Euskal Irratiak, udalerrietako eta eskualdeetako komunikabideak... Euskal nazioa eraikitzen segitzeko ekarpen handia egiten dute.

Dena dela, hedabide klasikoaren artean, Euskal Herria aintzat hartzen ez dutenek askoz audientzia handiagoa daukate gurean, baina ez da gutxiestekoa euskal nazioaren aldeko hedabideen audientzia. CIESeko datuen arabera, Hego Euskal Herrian iaz: EITBk (telebista, irratia, Internet) 1.235.000 ikus-entzule izan zituen; Noticias Taldeko lau egunkariak 141.000 irakurle; *Gara* egunkariak 60.000; *Berria* egunkariak 44.000...

Potentzial handia dago. Jarraitzaile kopuruaz gain, hedabide nazional horien denen artean jarduera handia dute komunikazioko formatu guztietan, kalitateko kazetaritza egiten dute, ehunka lagunekin lantalde profesionala daukate, herritarrekin komunitateak eratu dituzte...

Gainera, bateratasun eta elkarlan prozesuak egiten ari dira, kultura hori lantzen dute. 2000ko hamarkadaren bukaeran hasitako krisi ekonomikoak hedabideak ere gogor jo arren, eta komunikabide klasikoak XXI. mendean krisi partikularra bizitzen ari diren arren ere, Euskal Herria aitortzen duten hedabideen arloan eman dira aurrerapauso batzuk azkeneko 15 bat urteetan sinergien ondoren. Batzuk aipatzearren: 2005ean Noticias Taldea sortu zen; 2006an Hamaika Telebista; 2012an Hekimen elkarteak; 2012an ere, Tokikom toki komunikabideen bateragunea; Ipar Euskal Herriko hedabideen bateratasun prozesua egin da; eta bestelako proiektuak ere sortu dira (Naiz irratia, herrialdeetako *Hitza* egunkariak, Euskarazko Wikipedia...), edota baita EAEn instituzioen eta euskarazko hedabideen arteko mahaia ere.

Ahulguneak

Hala ere, eta *Hedabideak eta euskal nazioa* gaiari gagozkiola, komunikabide horien eguneroko praktikan sarri euskal nazioaren desitxuraketa ere gertatzen da osatu dugun txostenean.

Esaterako, Lapurdiri deitu izan zaio Frantzia; lurraldetasuna ez da behar bezala hartzen kontuan informazioa ematean (datuak, mapak, terminoak...); euskal izenak ez dira euskal grafian jartzen; sarri Espainia / Madril da epizentro...

Hori guztia dela eta TmeLab-etik euskal hedabideekin erreflexio prozesu baten beharra partekatzeko prozesua abiatu dugu, Eusko Ikakuntzarekin batera horretarako bien artean sinatutako hitzarmenaren baitan.

GAINDEGIA



Laborategitik aurten Gaindegia berriro martxan jartzeko lanean jardun dugu. Rafa Diez eta Malen Dominguez izendatu dira laborategiko ordezkari Gaindegian eta aurtengo adierazle txostena, Ipar Hegoa fundazioarekin batera babestu dugu.

INPAKTA ALDIZKARIA

EHU zein beste unibertsitatetako ikerlariekin batera, gogoeta prozesu luzen baten ondoren, INPAKTA palikazio sozialerako aldizkari zientifikoaren sorreran parte hartu dugu, ekarpen pertsonal eta ekonomikoa burutuz.





TMeLabek mintegi itxi ziklo bat abiatu du, burujabetzak dituen erronka juridiko politikoaren inguruan gogoeta eginez hainbat aditurekin. Mintegi hauek 2023 urtean zehburutu dira eta asmoa egungo marko juridiko politikoak eskaintzen dituen aukera eta mugen inguruko hausnarketa burutzea izan da., barne hausnarketa prozesuen bidez.

BESTELAKOAK

Laborategi gisa hainbat ekimenetan ere partu dugu:

- Knocaren urteroko batzarra.
- Subiranotasuna Europako herrietan masterraren Nazioarteko konferentzia.
- Aberri Eguna dela eta adierazpena ALC, SAF eta Arantzazulabekin batera.
- Euskaltzaindiaren euskararen inguruko gogoeta batzordea.
- Etorkizuna eraikiz kongresua.
- Arantzazulabeko aholku batzordea.
- Gure Lurra jardunaldiak

Saretzea eta Komunikazioa

Urtean zehar Laborategiak Euskal Herriko hainbat eragilerekin egitasmoak partekatu ditu eta aztertu, piskanaka erakunde/eragileen ekosisteman ver lekua eginez. Horrela maila desberdineko harremana dugu ondorengoekin:

- Eusko Ikaskuntza.
- Agirre Lehendakari Center.
- knoca
- Kontseilua.
- UEU
- Jakín.
- Sabino Arana Fundazioa
- Pete Cenarrusa Fundazioa
- Mondragon Unibertsitatea eta bertako Herrigintza graduondoa.
- GEZKI, EHU-UPV
- Parte Hartuz EHU-UPV.
- Subiranotasuna Europako Herrietan Masterra, EHU-UPV.
- Orkestra-Deustuko Unibertsitatea.
- Gaindegia.
- Euskal Herriko ekonomilarien Biltzarra.
- Arantzazuko Laborategia (bertako aholku batzordeko kide delarik laborategia egun).
- Berghof Foundation.
- Common Weal.
- Fundació Josep Irla
- Beyond Borders

Web Orria, twitter eta Buletina

Telesforo Monzon laborategiaren web orria berrituta dago, bertan jasotzen direlarik egiten diren jardun eta ekimen desberdinak. Era berean youtube kanala eta zoom zerbitzua jarri dugu martxan. Era berean, aurten twitter kontua abiatu dugu eta une honetan jarraitzaileak 1000 tik gora dira.

Azkenik mailchip bidezko buletina zabaltzen dugu, oraingoz 250 bat kontaktura zabaltzen dugularik

